

Kas vēsumet jauns ē garsēn ŽEMAITĒJĒ? Telšiū „Čiučiuroks“!

Parengē LENKIMĀTĒ Ramunē

UNTĪDI Ontuona Ontuona portēgrapējuos – vaizdā ēš „Čiučiuroka“ jobēliejēnē koncerta „Aukšti kalnā, margē dvarā“

35 metā... Je kalba eitom aple žmuogo, sakīto-mem, ka torem rēkala so paugosio, patemē jieģū žīdiejēnē esontio vīro a muotrēška. „Čiučiuroks“ – 1989-āsēs, dēdliausemē Lietovuos atgēmēma pakēlēmē, sosēkūrēs Telšiū rajuona savēvaldībēs kultūras cēntra vākū folkluora kolektīvs (vaduovē Macējauskienē Rita). Tad anam tēp pat jau 35, bet „Čiučiuroks“ vēs jauns ē jauns, vēsū dēdēlē mīlams ē laukams. Je tik Tēlšiūs kuoki nuors dēdlesnē švēntē, kuokē mena žēnkla miestē atēdēng, čiučiurokā, veiziek, so sava vaduovē jau ē čē. Vēsē gražiausēs tradicēnēs žemaitēškās kuostimās apsēriedē, linksmē, patēnkintē ē so vēsuokiausiuom mozēkuom ronkuos. Kas negrajēj, tas šuok ē dainiou. Nu mažiau-



„Čiučiuroka“ jobēliejēnē koncerta reklamēnē plakata fragments

sē lig dēdliausē. Kolektīvs kuožnās metās atsēnaujēn. Kāp saka vaduovē, tas ī anuo stēpribē. Vēinē, daug kou ēšmuokē, sožēnuojē, kuokē ī ta tēkruojē tradicēnē mozēka, solaukē vīresnē omžiaus, kolektīva palēikt, i anū vēita ateit naujē. Kuožnos, kas čē praded pažinti so folkluoro, anuo trauka ēšsēnēš vēsam sava gīvenēmou, isējung i kētus kolektīvus, tēn skleid patirti ē tuobolēn sava īģūdius. Ne vēns ē sava pruofošējē atētinkamā pasērenk.

„Čiučiuroks“ – išskirtinis kolektīvs. Ons puo-



Koncertou „Čiučiuroka“ vīresniūju gropē

polerėn autėntėškā žemaitiu krašta vākū folkluora– dainas, šuokius, žaidėmus, pasakuo- jėmus ė ne tik par koncertus, bet ė organizoudams vėsuokės švėntės, folkluora festivalius, leisdams vākū folkluora ko- lektīvams skėrtus žemaitėšku dainū rinkėnius, atstuovau- dams sava kraštou ė vėsā Lie- tovā tarptautėniūs folkluora festivaliūs. Jau sunkė ĩ ė pasakī- tē, kuokiuo Euruopas šalie par tus 35 metus „Čiučiuroks“ nie koncertavės. Bova išvīkės gas- truoliu net i Meksika, Indėjė, Taivana. Šiū metu kuova mie- nesie kolektīvs dalīvava Italėjės Sicilėjės miestė vykosemė tarp- tautėnėmė vākū folkluora festi- valie „I Bambini del Mondo“, bėrželie važiuous i Čekėjės mies- ta Frydrek-Mistek, kor vīks 27- āsis tarptautinis folkluora festi- valis. No vuo lėipas pradiuo „Čiučiuroka“ matīsem jobėlie- jėnės Lietovuos dainū švėntės

Dešėnie: mažėisėms patink ne tik repetoutė, koncertoutė, bėnd- rautė, bet, rėkalou esont, anėi muok ė puozoutė...



Ka šalėp kolektīva vadovė macėjauskienė Rita (pėmuoji ėš dešėnies), mažėisėms prikimb vīresnėijė, „Čiu- čiukoka“ dainas skomb tėp, ka ė patem nuorės pritartė



Jobēliejēnē koncerta dalīviu laukē dēdļiauis, specelē tā pruoḡā ēškepts torts

„Kad giria žalioutom“ folkluora dēinuo „Rasi rasoj rasi“. Pu dainū švētēs – kolektīva kūribēnē stuovīkla „Kūmīkštīelis“ Plateliūs.

Bet priš tou...

Šiū metu gegužēs 3 d. Telšiū Žemaitēs dramas teatrē vīka „Čiučiuroka“ 35-metiu skērts jobēliejēnis koncerts „Aukšti kalnā, margē dvarā“. Anam vīkstont bova pagarsintē svarbiausē kolektīva noeita kelē īvīkē, laimiejēmā. Pērmāsis ē pats garbingiausis – „Auksa paukštēs“ apduovēnuojē-

ma nominacējē ē dipluoma, skulptūrelēs iteikēms 1999 metās. Tuoki apduovēnuojēma „Čiučiuroks“ karto so vaduovē pelnē pērmāsis ēš Lietovuos vākū folkluora kolektīvu. Tēp bova ivertinta anū krīptinga ē aukštuos menēnēs verties veikla Lietovuo ē ožsēinie skleidont ē popolerēnont Žemaitējēs tradicini folkluora. Vēns iš paskotēniūjū pruojektubēndra koncertēnē pruoḡrama so Lietovuo platē žēnuomu, iš Skouda rajuona kēlosio multiinstrumentalisto Petreikio Saulio.



Vīkst koncerts, žiūruovus džioḡēn ē mažē, ē dēdēlē, ī darba ē anuo vediejē – režisierē Gintalienē Alinā



Čiučiurokams – ē žiūruovu diemesīs, ē sveikēnēmā, apduovēnuojēmā, padiekuos raštā



È aš eso iš „Čiučiuorka“



„Čiučiuorka“ jobèliejaus prugo sveikèn Telšiù rajuona mers Katkos Tuoms



I šiù metu sava jobèliejèni koncerta „Čiučiuorks“ pasèkvèitè Kauna Juono Pauliaus II gimnazèjos folkluora ansamblis „Gilè“ (vaduovà Sinkevičios Artùrs è Juška Duobèls), katram „Auksa paukštès“ dèpluoms è statulelè iteikta 2003 metàs.

No vuo rogsiejie... „Čiučiuorks“ viel atsènaujins – i anou isilèis bŭris naujŭ nariù, katrèi èe pradies pažinti so žemaitiu vākù folkluoro. Èe anèi karto so kolektiva senbovès, vaduovaujeme R. Macèjaskienès, tès „Čiučiuorka“ mozèkènès tradicèjès, garsins žemaitiu krašta folkluora Lietuvo è ož anuos rèbŭ.



„Čiučiuorkou“ jobèliejaus prugo – gražiausè sveikènèmà è palinkiejèmà *Untidi Ontuona Ontuona portègrapèjuos – vaizdà èš „Čiučiuorka“ jobèliejènè koncerta „Aukšti kalnà, margè dvarà“*